



光緒臨潼縣續志

(清)

安守和  
楊彥修  
纂修



本書二卷，據清光緒十六年（一八九〇）刻本影印。

續修臨潼縣志序

維禹貢紀述山川周禮職方氏掌天下之圖是為志書之始蕭鄴侯入關中先收圖書圖書者即今之志書也唐魏王泰有括地志李吉甫有元和郡縣志宋樂史有太平寰宇記自是以後郡縣圖經屢有著述逮于我

序

朝康熙乾隆時名儒者宿多精輿地之學是以紀各省之事則有

大清一統志紀一省之事則有通志紀一郡之事則有府志而搜羅故實採仿事迹則悉本縣志故縣志之修尤不可緩云臨潼為省東大邑幅員廣濶賦役繁重舊志修于乾隆四十一年迄今

百數十年未經續補雖地理祠祀今昔不甚懸殊而建置之增移徭役之因革職官之姓氏人物之紀載日積月累疊出不窮若不及時詢訪著之簡編為日既久文獻無徵何以信今而傳後且同治初元陝地軍興邑人之效忠殉節者指不勝屈發潛德之幽光尤為當務之急是

序

二

臨志之修不可再緩者勢也安宅安煦齋大令來宰斯邑以儒術飾吏治用能政通人和邑紳屢以續志請適邑中名宿楊子經中翰由都旋里與齋即請其執筆乃酌定體例設局修纂前志已詳者不復贅叙未載者則旁搜博采實事求是凡有闕政治之事

鉅細必書其大端則如城差徭以蘇民困修考院  
以振文教表節烈以勵風俗無不一詳載俾後  
人有所徵信焉徵序于余余惟修葺志乘乃  
為政之要務而為牧令者方且從事簿書促  
鮮暇又或攝理縣事極滿即去以茲歲久未修  
數典忘祖今與齋于理煩治劇之餘勤懇

序

三

從事于斯可謂知所先務矣况修志之舉非  
特備一邑掌故凡府志省志皆取材于此首

朝廷以備採擇所關甚鉅其文烏可緩耶余  
既嘉煦齋之能識政要而掌經中翰之名久震閩  
西是書之成自足徵信于後因不辭而為之序云

光緒戊子秋九月撫漢使者皖懷彙伯英撰于青門飾署

續脩臨潼縣志敘

光緒丁亥春余攝臨潼篆甫下車邑紳  
至海臣劉漫卿來謁即請於余曰邑志  
自武鄉史伯猷重輯後迄今百有餘年  
其地建置祠祀田賦令首固不大殊  
而職官遂舉之賢否士女之忠孝之節  
烈與夫兵燹以沒男多殺賊捐軀女多  
抗志誓死所關風教者綦重願令論

沒不彰耶余懷於曰是誠守土者責也何  
可抑志願志者史之餘耳邑之有志  
猶國之有史毋遠毋濫毋清襍毋荒  
如王阮亭先生所謂文簡事該詞窮  
亦雅者斯志之準也余庸此子無父後  
苦傳書龐雜日不暇給而海日以司鐸  
中鄉之漫卿以作令滇南志之將脩  
而後屬轍也是年冬揚子涇中翰由汴

解組歸邑諸紳後來請曰子恒吾邑  
宿儒也法以制舉文字馳譽關中名藉  
甚績脩邑志為有歸多余亟延而商確  
之為定凡例敘其次第舊志可考者皆  
不書而人物之因時輩出者必備書之  
期以昭激勸而示來茲此余與楊君續  
志之意也至於事蹟之詳寔編言之繁  
簡則楊君與諸紳之力居多余則何  
敢獵美焉首考歲事焉斯志之迄有  
成也為敘教言如左以質後之言斯土者  
光緒十五年歲在己丑孟冬月前署臨  
潼縣知長安縣事定西安守和譔并書



序

余以光緒丁亥奉檄來秦越己丑仍需次會垣  
是年春安政齋先生方由臨潼調任長安首  
邑余以暇日得時親炙左右稍聞先生出所  
輯臨邑志藁見示謂曰邑舊有志凡山川土  
田物產建置之屬一如其舊惟邑疊遭兵燹  
其間殉難名士女奇節卓行邑紳諸君子  
多耳而日之愆歲久失傳蒐輯成帙將付手

序

六

民斯藁之成皆邑紳諸君子之功非余之與  
有力也余受而讀之既疑先生之不自其功而  
尤服邑紳諸君子勇於赴義也咸同以來粵  
匪倡亂畿徧海疆西北一帶田稔踵興被禍  
尤烈幸賴

至神威武消除大憝海內漸以甯息任城郭衙  
署方修復之不服至於地方文獻之所徵人物  
之所著尤多緩其所急其勢則任也而邑紳

諸君子獨競、於是先生於簿書廳離之時  
 尤樂手為釐訂相與有成復與諸君子旁咨  
 博采兼收衆益如余之陋劣亦不恥下問期  
 以備芻蕘之一得於此見先生與諸君子公  
 矢慎之若哀而死事諸人尤賴以不朽矣先生  
 為蘭州名進士博極羣書而邑紳楊中翰  
 子經先生尤邑名宿楊主政切淡李廣文  
 蘭浦王廣文雪蕉諸先生皆碩望鉅儒參

序

酌盡善余則何敢贊一詞銀板既成得附微  
 名於左同綴數言敬謝不敏云爾

光緒十五年秋九月紫桑羅柏齡拜手謹序



續修臨潼縣志

內閣中書已舉人楊孝修 續修

禮部主事候銓知縣楊濱

葭州學正舉人王應鵬 編次

候銓學正舉人葉丙甲

拔貢 馬駿

拔貢 張翼辰

恩貢 王德彰 校訂

增生 李芳

附生 劉鴻昌

縣城及附近各里採訪人廩生張培泰增生李芳附生康健

斜口鎮拔貢張翼辰 廩生宣 欽附生李樹常傅倍炎

新豐鎮恩貢趙步蟾 歲貢何相漢 廩生楊集鳳更各炳焜

零口鎮廩生史世選 附生徐光潔 附生寇 林

馬額鎮廩生李建堂 廩生馬益鈺 附生李宗藩

鐵鑪鎮附生姚乃斌 附生龍向辰 陳時敏 張慶儒

交口鎮附生孫子興

北田鎮貢生楊渭川 貢生王 巽

兩金鎮貢生王培蘭 廩生章俊

櫟陽鎮附生蘇振清 附生黃 元

閭良鎮拔貢馬 駉 附生王洵直 附生高為榮

油房鎮附生薛治成 附生任慎修

武家屯貢生王步瀛 附生武 均

康橋鎮候銓縣丞張泗東 廩生丁陟瀛

相橋鎮恩貢王德彰 附生張廣俊 附生尚多方

關山鎮附生李俊民 附生鄒鵬飛

田市鎮貢生楊先甲 附生賈鳳起

槐里鎮廩生趙繼愚

亨利屯附生張崇騫 附生姚白欽 附生徐士秀

驪山以上舉人鄭毓蘭

九

臨潼縣續志 目錄

上卷

建置

祠祀

田賦

官師

選舉

孝義

殉難士民

臨潼續志

目錄

下卷

殉難婦女

節孝已旌

節孝已故

節孝生存

貞女

壽婦

建置

城郭衙署洎溫泉驛館略著其廢興得失之由至軍興以

還四鄉添築堡寨並各鎮創設義倉者九建義學者七

皆裨益地方例應備載借鑑來茲統係一律整齊當有

續志者

縣城舊志可考年久半傾圮道光二十年知縣原武賈公

蘭圃會商邑紳彙捐重築至二十二年功將竣長樂劉

公聞石登任復補其所未逮巔末具書於碑書碑者韓

城進士王鴻飛也在今考院大門外茲備錄其文於左

以誌緣起此後邑日富庶學校日興自光緒戊寅邑令

臨潼續志 卷上

沈公改建衙署暨一切工作縣屬風俗迥非昔比故至

今士民猶追述賈劉二公之德不置云

終南南走藍田北俯渭水東控鴻門自唐以來即為衝

要固不可無高城深池以資捍衛而縣治距省僅五十

里計程為第一站冠蓋輿馬絡繹輻輳自關以東至西

口外靡有能越此而達者即當太平無事之日亦未可

以類垣斷壕為行旅病貽東道差余於道光二十年由

韓城奉調入簾往還經過均屬驛館見城之西南隅持

畚者舉錫者束版而築者囑囑然丁丁然聲相和也以

為當不日成之矣踰年再過此而工猶未竣又踰年為

塌湖未可以仍舊貫余因急請於上憲將未交門項

催收齊全擇期本年二月初十日動工續修十二月初

三日告竣前後協同勸捐督修者典史陸藝也四城門

上查照舊志所載各嵌石匾一南曰枕驪北曰帶渭前

任賈公所題也西曰永豐東曰集鳳余所題也余又題

四城樓木匾九東之外曰關輔要衝西之外曰鎬豐屏

翰東之內曰八達通衢西之內曰萬年保障以縣舊名

萬年故云南之外曰天設金湯湯池在城南也北之外

曰自然鎖鑰門雖設而常開也北之內曰鎮靜坎方南

之內曰高承驛照南郭之外曰郭外山光郭門迤西晴

嵐送翠夕照沈紅灑山勝景也四城樓外南門月城上

益敵樓一座東南城角懸星六角樓一座北城樓建元

武廟三間東南西南馬道三波周圍水道三十五道炮臺

十七座工畢請於上憲委員驗馬委員曰善哉可以

資捍衛矣是可不為行旅病貽東道差矣是役也工

之外尚有餘費以八千一百餘串修考院以一千三百

餘串修演武廳以二百二十餘串修倉廩余以關帝廟

城隍廟迎春亭均年久漸就傾圮頃一律整齊且賈公

既倡之於前余不可無以善其後因捐錢五百串以補

不足焉劉建龍撰 昔教諭趙桂芬高遇龍劉導慕丕

臨潼續志 卷上

顯城守營卞得陞典史陸藝董工紳士守備周萬成同

知宋致魁生員趙連城監生宣進禮張地紀于大成李

克珏靳大章

縣署詳史志並繪圖可考坐坎面離義取向明而治也據  
舊志稱順治十三年塞北門謂驪山脉自東南來以山  
為屏以渭為帶城坎宮屬水驪山屬土土尅水故南門  
甕城西向以受金氣則土生金金生水而又恐水之直  
洩也乃塞北門夫北門且宜塞則衙署之向背可知沈  
邑令乃移署北面今備錄前志於此後之莅是者或能  
相機復舊以資地理之一助云

溫泉在縣治南里許舊有驛館若干間為冠蓋往來遊憩  
之區司斯土者隨時修葺均仍舊觀光緒丁丑戊寅間  
歲大饑道殣相望邑令沈公飭各戶捐錢改作凡亭臺

臨潼續志

卷上

三

榭外觀備極華麗錫嘉名曰環園旁署樂善亭索能文  
者為碑記越年亭無故傾圮

天地陽春坊在南浴湯左初為多解名區因

聖祖西巡駐蹕改大地陽春載舊志中邑令沈公書已卯創建  
恐後人忘其所自始故志之

祠祀

考邑乘以武功志七篇為最據稱治民人者先其神故  
祠祀興焉自回逆倡亂凡廟宇暨一切祈禱之區胥成  
灰燼至今頽垣敗址目不忍觀幸縣治各廟坊俱依舊  
祀典無缺惟西門外太白廟主受西方金氣邑令沈公

改為火神廟附記之

田賦

舊志備詳同治元年回捻交訌饑饉薦臻戶口凋零過  
半荒地未盡開墾現奉檄勘荒擬姑從闕惟近章立里  
民局從賦役中出故仍存其目

縣共四十里里各十甲舊章車馬差徭係輪流支應一  
夫九空名曰現年內外濛混民幾不聊生光緒六年略  
加變通仍一甲支車馬九甲攤差錢值年幫攤並行民  
仍不堪其苦十年奉上台飭永載值年甲總幫銀各名  
目勘地之肥磽分上下里上二十里每正銀一兩帶征

臨潼續志

卷上

四

差徭錢二百三十文下二十里每正銀一兩帶征差徭  
錢一百八十文由四十里公舉鄉正四人在局同理事  
宜流差歸署局送津貼有定數兵差歸局歲有報銷案  
計歲省銅錢一千餘串存局以備荒歉利民便公自當  
奉行罔替

官師

司斯土者教養攸關自當備載以彰往而昭來迺自衙署改置後卷宗大半散佚近仍有據遠或無徵惟遺愛在民藉藉傳聞者綜事實書佐治各官克慎乃司亦據傳聞附之

乾隆年

知縣

史傳遠山西武鄉人辛巳進士任縣事以儒術飾吏治民

懷其德四十一年脩邑志頗稱詳核案史志之成在乾隆丙申金川奏捷之年當軍事倥偬而猶汲汲然興修

臨潼續志

卷上

五

邑乘賢令尹之用心行政昭然若揭矣

蔣勳南沙人任縣時重修橫渠書院張子祠四十九年立

碑碑曰臨潼令蔣君重葺橫渠先生祠并立書院工既訖請余文以刻之貞石余惟張子之學略具正蒙粹

於西銘世之後學罔不知之即祠宇亦新講堂鼎建凡楹楹系廟陶旋工匠之各程其材蔣君所記詳矣余又

何以益之哉特余讀延祐七年文禮愷撰鄜縣張子祠記云先生之書曾有覆轍之議則當時已有未信從者

而年來綴學之士驚詞藻者詆宋儒為質直肆考覈者

謂宋儒為空疏善談事功者且笑宋儒為迂遠而不切

情事此余嘗未慊於中也昔張子以崇文校書謁告于

歸居橫渠鎮南之大振谷口終日危坐志道精思幾若

無所發揮矣詎知獄淵東惠心淑問文潞公聘以東

帛禮際殊隆渭帥蔡公軍府政事大小是咨他若河渠

水利行於一鄉具有成效謂非儒術之明驗歟至其少

務張子早已一一能之而特為晚歲所吐棄者也夫張子鄙人也臨潼距鄜三百里士人聞風興起猶鄒魯之相近今張子從祀孔子廟廷既通於天下矣况臨潼為張子講學考終之地祀之尤宜也余恐知末者不揣其本欲流者或忘其源故撮舉張子之博覽百家志氣激發者先以杜學者之惑而告之如此詩不云乎濟濟多士克廣德心諸生能廣蔣君修遠之心相與考德行而習文藝以振興關中之學然後知當時之以西銘為言體不言用者固未能深窺張子即陳同甫云低頭拱手高談性命之徒皆風痺不知痛癢之語此蓋為承學者流弊而言原非為大儒而言也士之肅拜祠下而肄業書院者於張子之學可以篤信而謹守已進士及第兵部侍郎畢沅撰進士及第兵部尚書王杰書

莊炳 馬學賜六十年代代理縣事

嘉慶年

阮坦江蘇江甯人四年由邑署縣事

臨潼續志

卷上

六

葉文麟五年署縣事長於龜斷事無留滯今父老猶能言之

林延昌九年由廩貢任縣事

謝時懋直隸豐甯人十三年由舉人署事縣

喬濤山西徐溝人二十四年由例代理縣事

道光年

孫鳳雲南河陽人嘉慶戊辰進士四年署縣事愷悌慈祥和有功文教

白維清順天通州人道光九年由供事知縣事愛民慎罰

雅重文士童試見年少可造者曲加培植問里中士女

賢孝有關風化事獎勵不遺餘力時皆呼為白清天際  
清軍同知以次擢府道均有聲

謝長清雲南楚雄人十一年由舉人署縣事居政清康有  
功學校

謝長昇雲南楚雄人長清弟十二年由進士任縣事有聲  
才與兄復先齊美時論嘉之

善禧正藍旗漢軍人十一年知縣事居心愷悌

賈芳林字蘭圃河南原武人丙戌進士道光十七年知縣  
事愛民禮士循循有良吏才下車初則除積弊治盡公  
暇與諸生講論弗輟優渥士子膏火所拔多孤寒士創

臨潼續志 卷上

七

建考院補葺書院城隍等工竭力籌畫次第舉行庀才  
以堅為式弗侈外觀終日周歷董節不暇食其修城  
隍也縣治依山麓土雜石砂磧礫硤洋弗堪垂久公時  
立半城上限尺度築及尺令報以鐵錠穴築土滿注水  
以驗之土鬆濇速以不堅論必責改築故城去今數十  
年不少損尤精算學凡牌堞門洞城樓悉以勾股法預  
定較變數不一爽各工告竣未及署額記碑以陞去繼  
公蒞事者為福建劉公建韶勒石時遂署劉公名然士  
民無碑碣而思餘澤至今猶專稱賈公也蓋公以實心  
行實政故論邑之名宦趙公于京後首推公邑人並祀

二公於橫渠書院感其德不忘云

潘政舉二十二年代理縣事籍貫無考亦有政聲

劉建韶字聞石福建長樂人乙未進士二十二年由韓城

調知縣事先是賈公芳林修理城池暨試院各工垂竣

公蒞任續修完整事詳建置為政識大體尤喜培養士

子誘掖獎勵曲盡其道三年中士氣日騰民風丕變中

丞鄧嶢筠廷楨重其學品嘗語人曰劉聞石縣令多年

猶有粹然儒者風洵不誣也當秀才時文名噪甚林文

忠公延為子師為序其文教促付梓著有宜蘭室制藝

初二集士林圭臬奉之登籍後分陝三克鄉試同考官

臨潼續志 卷上

八

薦拔多知名士權守榆林與安悉有良守稱嗣以養疴

寓會垣咸豐辛亥

恩科邑之夙蒙選送者舉五人彥修與焉喜謂曰士伸知

已惟吳光間段鳴謙根底深厚何久屈耶其虛心愛才

聲譽弗傳類如此

美申瑤順天大興人乙未進士二十六年知縣事蒞任初

未諳風俗政令多歧會荒旱阻種殖賑濟活民轉怨為

德復乞假歸

舒鈞甘肅秦州舉人二十六年署縣事勤政愛民

顧澹慶浙江會稽舉人二十九年代理縣事有儒吏風

鍾錫瑞字小珊浙江蕭山進士三十年知縣事寬厚愛人咸豐年

劉良駟字述舫江西南豐舉人四年任縣事父衡入循吏傳著有蜀僚問答庸吏庸言等書行世公歷任以來遵行罔替時臨邑匪類橫行互相械鬥時為鄉民害渭北尤甚公下車即捕著名者痛懲之刁風頓息次孫孚京光緒丙戌進士官刑部主事

朱百珏字雙之江蘇儀徵人六年由例知縣事寬厚和平因交代負虧去民情愛戴大府已夙稔之元年繆令殉難後復委權篆與營弁紳民同心守禦有回逆五百餘

臨潼續志

卷上

九

作官兵給入城公勘破奸情用大廠斃賊多名乃遁去城賴以安

倪印元四川廬州舉人七年任縣事諸事和平培植士氣張舒萼字竹樓湖北安陸副貢八年任縣事吏有法政無冗焉

周蕃壽四川涪州舉人十年知縣事性慤直微近急慄邑向有值年支差攤派過重公欲驟革此弊意非不美而操之過蹙致激楊升華之變民咸怨之

繆樹本字翰仙江蘇常熟人由武功盤屋知縣事前任周公蕃壽因改賦役舊章里民楊升華抗公滋事大吏廉

公能飭迅速往察辨事宜公到任後多方撫綏升華浸不法撫軍遣守剿捕之公查獲首惡並惡黨數人置之法脅從罔治地方綏靜公謂時當多事有備斯可無慮於是修城隍製器械積糗糧募壯勇布置無不周密同治元年春髮逆由粵竄秦公親率團勇出境堵勦並於驪山下多設疑兵遙為援應逆探知有備繞出隣境由藍田直趨渭華回逆久萌叛志遂踵起時團練大臣張文毅公第誤信回紳馬百零之言不帶團勇冀婉言撫反側以公素有威望邀與俱因先布城防事戒備而行至油房街猶復推誠開導逆首任五恐眾心搖動擁公

臨潼續志

卷上

十

至倉鎮河灘與張文毅公同時被害此五月十三日事也從此賊勢猖獗渭南華州高陵涇陽相繼淪陷而危城卒得保全者雖係後任守禦之功實由先事預防之力經理瑛中丞啓王給練憲成前後具奏

贈太僕寺卿銜照知府陣亡例議卹附祀張文毅公專祠續奉

旨準臨潼任所常熟原籍各建專祠公由臨赴渭後元配張淑人竭資添募壯勇嬰城固守時徧地烽烟傳聞互異八月始廉得公殉難確耗絕粒不食而死事聞蒙旌表節烈並准附公專祠節義昭與情順矣因並記之

同治年

呂紳字佩蒼順天大興人元年由例代理縣事軍書旁午守城有力

郭昌時字仲熙甘肅武威舉人三年署縣事回亂初定兵差轉運絡繹兼理詞訟日無暇晷廉謹有為拂心事亦以寬忍處之治盜最嚴民賴以安五年冬捻逆突抵灊岸邑城南近驪山深恐賊踞先招勇二百名請曹軍分守山巔並設城防局捐廉多金置旂械修卡房登堦固守者數越月時奉文清查叛絕各產擇膏腴地數頃撥入書院以資膏肓六年調署岐山勤政愛民如在臨時

臨潼續志

卷上

十一

孫恕字心如四川綿竹舉人同治七年署縣事博學工書

儀度綢雅為政識治體聽斷明敏民不敢欺喜植文教調恤寒畯備至時兵荒薦臻河北去治城寫遠匪類結黨四出道路梗塞法不能制公方嚴守城備乘隙設法捕緝匪首王雙保伏法餘眾斂跡民賴以安左文襄公督師關中營城外半載供億浩繁公以民間匱乏不忍科派負公帑萬金上官疑不實罷去里甲急輸償金已無及嗣大吏據實入奏起原官其沒也邑人士聞之咸淚下至今猶稱道不置云

劉開第甘肅武威人壬戌進士七年知縣事性樸直前任

孫以供給營費虧公獲咎因素得民心里甲將斂公代償公恐誤正賦出示禁之致與邑紳與訟遂調去

伊允植山東新城人癸亥進士八年任縣事

唐正恩四川巴州人庚戌進士八年任縣事治尚整肅存心寬厚

曹俊亮四川榮縣人癸丑進士十二年任縣事

先緒年

衛錫恩河南陝州人二年由例任縣事三年河北荒歉公憂形于色開倉給散籽種未幾以憂去

沈家楨浙江會稽人三年由例任縣事以事去

臨潼續志

卷上

十一

王炳惺順天大興人七年由例任縣事以事去

汪鳳溪浙江歸安人八年由貢生任縣事亦以事去有惠政入尚籍之

黃肇宏湖北大冶人丙子進士九年代理縣事

嚴書麟山東歷城縣人九年署縣事

林之焜字望侯安徽懷遠人十年由舉人任縣事輕徭薄賦有實政焉

胡瀛濤字海客四川雲陽人丙子翰林十二年代理縣事

縣丞

嘉慶年

趙渭濱直隸河間拔貢(俞章)貴州清平人(呂璠)安徽旌德監生(張鶴)四川南部監生

道光年

張錫祺貴州龍泉廩生(李炳文)山西靈石拔貢(楊萬清)甘肅安化監生(趙敦仁)浙江仁和監生(甯登雲)山西稷山廩貢

咸豐年

張維信甘肅皋蘭人同治元年狃逆破鎮城罵賊殉難知縣朱百珏彙案請卹

同治年

臨潼續志 卷上

十三

陳丙壽福建人兵燹後撫恤有方(周采臣)浙江上虞監生

同治六年擒匪攻寨城督團陣亡時防守將弁花翎都司楊輝玉亦死難巡撫喬松年奏請優卹(安志遠)江蘇

金匱監生(趙德煥)江西南豐監生

光緒年

羅文繡安徽人(孔廣照)河南監生(黃吉)甘肅監生(黃葆恆)四川人(沈鼎臣)浙江會稽人(立剛)滿洲廂白旗人

典史

嘉慶年

胡華黼順天宛平附生(董光廷)浙江山陰供事(張政)錢塘

監生(莊景祁)江蘇武進監生

道光年

張奕現順天大興監生(姚芹)浙江仁和監生(陸藝)順天宛平人己丑邑令修築城垣試院各工襄助清勤

咸豐年

張宏翼四川華陽監生同治元年巡守縣城曲盡心力

同治年

孫淮四川城都監生

光緒年

郎鴻恩直隸懷來監生(周步蓬)山西榮河人

臨潼續志 卷上

十四

教諭

嘉慶年 楊朝銓岐山廩貢(張峰)清澗舉人(馬堃)潼關廩貢(王奮)甘肅伏羌舉人

道光年

李際時葭州廩貢(趙孟陝)城固舉人(趙桂芬)甘肅禮縣舉人(高遇龍)綏德廩生(張篤慶)韓城舉人勤於教士壬戌

回亂守城亦力

同治年

郝鳴皋朝邑廩貢守城不辭艱苦(王乘龍)邵陽舉人

訓導

嘉慶年

張起鳳蒲城廩貢呂來儀大荔副貢楊居正甘肅河州歲

貢馬金管三水拔貢張賜麟甘肅皋蘭廩貢

道光年

賈超然蒲城廩貢湯善學甘肅靈州舉人季玉麟甘肅伏

羌歲貢慕不顯吳堡歲貢

咸豐年

張永誠涇化廩貢蔣即用邵陽舉人嚴謹善教劉冲漢朝

邑增貢

臨潼續志 卷上

十五

同治年

高照暄米脂廩貢賈圻蒲城廩貢

光緒年

秦啟瑞邵陽廩貢馬捷登邵陽舉人

攷各邑乘多未列武職蓋以營汛之設亦安不忘危寓

武於文之意而無與問閭事也同治紀元回逆紛擾擇

其合衷協力者特誌之

分汛把總郭大定華州人賈登成潼關人守城有法頗資

捍衛姚玉麟潼關人吳陞魁關東人

選舉

自設科取士以來文武並興例應備載其由列入官及封贈歷製各職銜亦當依類並書用見

朝廷恩至渥誼至厚也考康對山武功志先人物次選舉別

綴科貢傳呂涇野高陵志人物後敘科貢開傳臨邑舊志

則先列選舉有勲施者別詳人物中茲仍之凡所論列皆

因鄉先生各道其所知與彥修所深悉即著其行事如左

亦科貢開傳之意云

甲科

田嘉種字穎菴號碧川西陽里人乾隆己丑進士家貧就

臨潼續志 卷上

十六

外傳讀小學穎悟過人甫十齡即潛購禮記諸經夜讀

師弗知也通籍官浙江餘杭知縣教民如訓子弟不假

刑威權術催科遇貧苦納布粟者必厚價值俾完正賦

公餘集士子講學士皆服化終公任無背行者調任平

陽多善政如餘杭時以疾歸四壁蕭然大學士王杰每

分俸資之貽書謂作宰清廉營利祿者當奉為師七

十壽浙人士猶來陝慶祝歷主講耀州富平渭南暨本

邑書院復應聘主講四川合江山西絳州書院從游以

文名顯者甚眾著有學庸日記示學條約手訂官箴碧

川課幼草舉業要言諸書復仿監田呂氏立鄉規習俗

為之一變鄉父老嘗叱子弟曰汝不讀書不畏碧川先生知耶嘉慶丙子饑出館金易粟賑貧乏邑令為表其門待人無疾言遠色門庭肅然子溥由拔貢官廣東知縣潤進士官浙江鹽運使方潤舉於鄉公手書一聯云童子竟登科勿以榮名自大老夫惟守拙或因作善降祥卒八十八歲餘詳入祀鄉賢寔錄

李懔渭陽里人嘉慶甲戌進士官廣東曲江知縣博學能文喜獎勵士子課卷必親加點竄文風丕振時稱儒吏田潤字淑芳號石橋嘉種子幼穎悟十七補弟子員越歲舉於鄉道光癸未成進士授工部營繕司主事都水司

臨潼續志

卷上

十七

員外郎擢江西道監察御史尋掌雲南道稽查南新倉督理街道巡視中城掌京畿道封章十餘上皆關大體海疆騷動陳團練五宜並疏請整飭番務文俱失傳又勅邊臣奏捷語多欺飾兵制一肅二十九年除山西汾州府知府涖任即裁汰各屬規費俸祿外無所私護理雁平道事成豐元年簡權貴州貴西兵備道七年授四川川北兵備道遷浙江都轉運使是時妖氛已熾公患氣喘咯血有勸引退者不忍去先是鹽運已疲軍書旁午官引不能暢銷以公清廉裔咸踴躍樂輸四閱月得課帑四十餘萬其夏粵逆圍會垣公總巡十門日夜周

歷口不言勞而心力瘁病劇易養不及身後事但撫膺垂淚曰軍務何日始靖卒年六十二巡撫總督合詞入奏奉

旨照軍營立功後病故例議卹

趙振清字月坡渭陽里人道光丙戌進士官湖北知縣歷

任興山黃陂孝感除隨州知州所至人感其德幾於無

訟孝感有頌德政詩歌刊本

賈龍光閩孟里人咸豐庚申進士分發山西知縣

徐光祖字義山咸豐己未進士官刑部主事歸田後息交

游日事著述值回檢蹂躪感憤時事發為詩歌皆至性

臨潼續志

卷上

十八

中語有集待錄

黃桂滋字林一同治壬戌進士官四川天全州知州現署

鹽源縣知縣

許庚金字麗生相橋里人同治辛未進士改官同州府教

授

劉雲章字縵卿號石橋新義里人同治甲戌進士官雲南

知縣歷任江川通海保山調署鎮雄州知州現任甯洱

縣知縣

張向長字星垣光緒丙子進士官廣東知縣署長甯縣事

現任會同縣知縣

楊濱字幼溪光緒庚辰進士禮部主事改官知縣

張豫泰字立亭任村里人光緒庚辰進士官直隸知縣

潘炳辰字敬臣周榮里人光緒庚辰進士官甘肅知縣

任清水高台現知中衛縣事

鄉科乾隆時八人

田嘉種見甲科

王玠庚子科

武錫齡張市里人

張沛昌戊子科

楊紹衣戊申科大挑歸銓知縣改授

魏昌萬戊子科神木縣教諭陞

周聲用己酉科大挑一等山西試

任金聲己亥科

臨潼續志 卷上

十九

嘉慶時十一人

蘇金燮甲子科岷州學

段益戊辰科

田潤丙子科嘉種子

張炳甲己卯科

任德蘭懷仁里人

趙振清戊寅科

馬時中戊辰科

任雲書庚午科吳堡縣教諭陞

王步元辛酉科字桂童歷任未脂正官皋蘭

齊五嶽辛酉科

李憬癸酉科

道光時七人

敬大賓乙酉科武

張迺緯戊子科環

齊以禮庚子科

楊培壬辰科永

李映南甲辰科西

唐際虞甲辰科中

門聲芳王佩里人

咸豐時十人

楊彥修字子經辛亥科亞元三田里人團練議敘內閣中

書以軍功改保知縣分發河南歷署獲嘉睢州武

賈龍光見甲科

朱懋辛亥科西

陳敬典辛亥科城固教

馬金鑑辛亥科瀆

蘇昶字春暉御寶屯人乙卯科舉人以排解里民事保

知縣性孝友事兄旭終身怡怡內外無間言精星象咸

豐戊午彗星見眾疑主兵昶謂星尾入文昌應主科場

臨潼續志 卷上

二十

不吉是科直闡果奇變同治壬戌偕彥修北上一夕忽

驚曰吾陝當大亂奈何修不解為詳指井鬼分野觸攬

槍次日急起行至半途聞回民叛曰亂難已矣遠道歸

攜家避去一日自耀州貽書謂烽烟徧地州城庶不受

驚然亦終難生還次年癸亥兄旭果以疾卒未幾昶亦

憂憤卒年五十五歲其前知大率類此經學尤邃密兼

工制藝多梓入仁在堂集中從游多所成就房應庚張

豫泰皆門下士也及門於其沒為立碑道旁以彰德教

楊炳己未科亞元

黃桂滋辛酉科

王應鵬辛酉科字海程葭州